

أهلاً يا شهر
الرمضان

DOBRO DOŠAO

RAMAZANU

Priprema i obrada:
Safet Suljić
Fakultet Šerijatskih Nauka
ISLAMSKI UNIVERZITET U RIYADU

1

U ime Allaha, Milostivog, Samilosnog

DESET NAČINA KAKO DOČEKATI MJESEC RAMAZAN

Hvala Onome koji je rekao:

قَالَ تَعَالَى: ﴿يَأْتِيهَا الَّذِينَ ءَامَنُوا كُنِبَ عَلَيْكُمُ الصِّيَامُ كَمَا كُنِبَ عَلَى الَّذِينَ مِن قَبْلِكُمْ لَعَلَّكُمْ تَتَّقُونَ﴾ البقرة: ١٨٣

„O vjernici! Propisuje vam se post, kao što je propisan onima prije vas, da biste se grijeha klonili.“

قَالَ تَعَالَى: ﴿شَهْرُ رَمَضَانَ الَّذِي أُنزِلَ فِيهِ الْقُرْءَانُ هُدًى لِّلنَّاسِ وَبَيِّنَاتٍ مِّنَ الْهُدَى وَالْفُرْقَانِ فَمَن شَهِدَ مِنْكُمُ الشَّهْرَ فَلْيَصُمْهُ وَمَن كَانَ مَرِيضًا أَوْ عَلَى سَفَرٍ فَعِدَّةٌ مِّنْ أَيَّامٍ أُخَرَ يُرِيدُ اللَّهُ بِكُمُ الْيُسْرَ وَلَا يُرِيدُ بِكُمُ الْعُسْرَ وَلِتُكْمِلُوا الْعِدَّةَ وَلِتُكَبِّرُوا اللَّهَ عَلَى مَا هَدَيْنَكُمْ وَلَعَلَّكُمْ تَشْكُرُونَ﴾ البقرة: ١٨٥

„U mjesecu ramazanu počelo je objavljivanje Kur'ana, koji putokaz ljudima i jasan dokaz pravog puta i razlikovanje dobra od zla. Ko od vas u tom mjesecu bude

kod kuće, neka ga u postu provede, a ko se razboli ili se na putu zadesi, neka isti broj dana naposti, - Allah želi da vam olakša, a ne da poteškoće imate -, da određeni broj dana ispunite, i da Allaha veličate zato što vam je ukazao na pravi put, i da zahvalni budete. “

Neka je Salavat i Selam na Onoga koji je kazao:

عَنْ أَبِي هُرَيْرَةَ - رَضِيَ اللَّهُ عَنْهُ - قَالَ قَالَ رَسُولُ اللَّهِ - صَلَّى اللَّهُ عَلَيْهِ وَسَلَّمَ - «كُلُّ عَمَلٍ ابْنِ آدَمَ يُضَاعَفُ الْحَسَنَةُ عَشْرُ أَمْثَالِهَا إِلَى سَبْعِمِائَةٍ ضِعْفٍ قَالَ اللَّهُ عَزَّ وَجَلَّ إِلَّا الصَّوْمَ فَإِنَّهُ لِي وَأَنَا أُجْزَى بِهِ يَدْعُ شَهْوَتَهُ وَطَعَامَهُ مِنْ أَجْلِى لِلصَّائِمِ فَرْحَتَانِ فَرْحَةٌ عِنْدَ فِطْرِهِ وَفَرْحَةٌ عِنْدَ لِقَاءِ رَبِّهِ. وَلَخُلُوفٌ فِيهِ أَطْيَبُ عِنْدَ اللَّهِ مِنْ رِيحِ الْمِسْكِ».

„Svako dobro djelo sina Ademova se nagrađuje deseterostruko pa do sedam stotina puta, rekao je Allah Uzvišeni osim Posta, on je moj i ja nagrađujem za njega. On ostavlja radi mene strasti i hranu, i postač ima dvije radosti: radost kada se iftari i radost pri susretu sa Gospodarom. Zadah postača kod Allaha je ljepši (prijatni) od mirisa Miska.“¹

I rekao je:

عَنْ أَبِي هُرَيْرَةَ قَالَ قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ: مَنْ صَامَ رَمَضَانَ إِيمَانًا وَاحْتِسَابًا غُفِرَ لَهُ مَا تَقَدَّمَ مِنْ ذَنْبِهِ.

¹ Bilježi imam Muslim 3/158


*"Ko bude ispostio Ramazan iz čvrstog imana i (Ihtisaben) radi Allaha, Uzvišenog, biće mu oprosteni grijesi koje je prije počinio."*²

عَنْ سُلَيْمَانَ بْنِ بِلَالٍ حَدَّثَنِي أَبُو حَازِمٍ عَنْ سَهْلِ بْنِ سَعْدٍ - رَضِيَ اللَّهُ عَنْهُ - قَالَ قَالَ رَسُولُ اللَّهِ - صَلَّى اللَّهُ عَلَيْهِ وَسَلَّمَ - «إِنَّ فِي الْجَنَّةِ بَابًا يُقَالُ لَهُ الرَّيَّانُ يَدْخُلُ مِنْهُ الصَّائِمُونَ يَوْمَ الْقِيَامَةِ لَا يَدْخُلُ مَعَهُمْ أَحَدٌ غَيْرُهُمْ يُقَالُ أَيْنَ الصَّائِمُونَ فَيَدْخُلُونَ مِنْهُ فَإِذَا دَخَلَ آخِرُهُمْ أُغْلِقَ فَلَمْ يَدْخُلْ مِنْهُ أَحَدٌ».

*„U Džennetu imaju vrata koja se zovu Rejjan, na njih će ući postači na Sudnjem danu i na njih neće niko drugi ući osim njih. Reći će se: Gdje su postači, pa će ući na njih pa kada uđe zadnjih od njih biće zatvorena i niko poslije njih neće ući!“*³

A zatim:

Kako dočekati RAMAZAN? Odnosno koji je to najbolji način da se dočeka ovaj mubarek mjesec? Obaveza na svakom muslimanu je da ovaj period odnosno sezonu provede u pokornosti te da bude od onih koji su prvi i koji se natječu u pokornosti, rekao je Allah Uzvišeni:

قَالَ تَعَالَى: ﴿وَفِي ذَلِكَ فَلْيَتَنَافَسِ الْمُتَنَفِسُونَ﴾  المطففين: ٢٦

„I neka se za to natječu oni koji hoće da se natječu!“

I povedi računa brate muslimanu da dočekaš mjesec Ramazan na ispravan način odnosno na jedan od sljedeći načina:

- U DOVI da te Allah poživi da dočekaš Ramazan u zdravlju i snazi koje bi Allahovom voljom iskoristio u ibadetu svome Gospodaru kao što su:

² Bilježi imam Buhari 1/42

³ Bilježi imam Muslim 3/158

post, dugo klanjanje, zikr, prenosi se hadis od Enes Ibn Malik, radijallahu anhu, da je rekao Allahova Poslanika, sallallahu alejhi ve sellem:

عن أنس قال: كان النبي صلى الله عليه و سلم إذا دخل رجب قال: اللهم بارك لنا في رجب و شعبان و بلغنا رمضان.

“Gospodaru moj, daj nam bereket u Redžebu i Šabanu i poživi nas da dočekamo Ramazan.”⁴

Naši ispravni prethodnici bi znali dovit i Allahu da ih poživi da dočekaju ramazan a potom bi doveli da im primi Ramazan. Potom dovi svome Gospodaru koji te je poživio da ga dočekaš riječima: *„Allah je najveći, Gospodaru moj počasti nas njime sa mirom, sigurnošću i islamom. Te nas podrži svojim tevfikom (uputom) da radimo ono s čime si ti zadovoljan i šta voliš“⁵*

- Zahvala i veličanje Allaha s čijom dozvolom smo dočekali ovaj mubarek mjesec. Rekao je imam Nevevi, rahimehullahu, u svome dijelu „El-Ezkar“: *„Znaj da je pohvalno djelo da onome kome se desi neka blagodati ili pak ponovi ista ili da bude sačuvan od nekoga gnjeva da učini sedždu zahvalnosti Allahu Uzvišenom. Ili pak da Allaha veliča onako kako to On Uzvišeni zaslužuje. Od najveći Allahovi blagodati za njegove robove je uputa ka pokornosti i činjenju dobrih djela. Tako sam ulazak u mjesec Ramazan i da čovjek bude opskrbljen zdravljem i snagom obvezuje čovjeka da učini Šukr (zahvalnost) i lijepo veličanje Allaha*

⁴ Bilježi imam Ahmed i Taberani

⁵ Bilježi imam Tirmizi

dželleša'nuhu. I hvala Allahu neizmjernom zahvalnošću kao što to dolikuje Njegovoj veličini i moći. “

- Slavljem i radošću, prenosi se ispravnim putem od Alalhova Poslanika sallallahu alejhi ve sellem da je on imao običaj da obraduje (čestita) Ashabima dolazak mjeseca Ramazana pa bi govorio:

عَنْ أَبِي هُرَيْرَةَ قَالَ قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ: يُبَشِّرُ أَصْحَابَهُ قَدْ جَاءَكُمْ شَهْرُ رَمَضَانَ شَهْرٌ مُبَارَكٌ افْتَرَضَ اللَّهُ عَلَيْكُمْ صِيَامَهُ يُفْتَحُ فِيهِ أَبْوَابُ الْجَنَّةِ وَيُغْلَقُ فِيهِ أَبْوَابُ الْجَحِيمِ وَتُغْلَقُ فِيهِ الشَّيَاطِينُ فِيهِ لَيْلَةٌ خَيْرٌ مِنْ أَلْفِ شَهْرٍ مِنْ حُرْمِ خَيْرِهَا فَقَدْ حُرِّمَ.

„Došao vam je mjesec Ramazan, mjesec mubarek. Allah vam je u njemu propisao Post, u njemu se otvaraju vrata Dženneta, a zatvaraju se vrata Džehenema i šejtani se okuju. U njemu ima noć koja je vrednija od hiljadu mjeseci, ko bude uskraćen njegova dobra – ta on je uskraćen za svo dobro.“⁶

I naši ispravni prethodnici su znali kako i na koji način da se raduju i da obilježe dolazak mjeseca Ramazana, koji donosi svako dobro i milosti od Allaha Milostivog, Samilosnog.

- Odluka i plan da se Ramazan iskoristiti kako su to naši prethodnici znali i nama svojom praksom pokazali. No, nažalost mnogi ljudi znaju kako i na koji način da isplaniraju stvari od dunjaluka no, kada je u pitanju ahiret samo manjina pa čak i oni koji su poznati po vjeri to iskoriste i predaju pravu pažnju kako i na koji način da ovu godišnju priliku iskoriste. Ovo je proizišlo iz krnjave spoznaje vjernika na ovom

⁶ Bilježi imam Ahmed 14/541

dunjaluku u ovome životu. Ponekada to bude zaborav koji dovede da se ove blagodati zaborave odnosno ove prilike ne iskoriste, a nema sumnje da je odgoj duše jedna od veliki blagodati koje Ramazan pruža svima nama. Ovo djelo koje sada čitate je ustvari ono što ja želim da pružim sebi pa onda svima vama kako bi znali da iskoristimo i podsjetimo se šta donosi i šta bi nas moglo da prođe ukoliko budemo od onih koji su u gafletu i nemaru i dalje.

- Čvrst i iskren ugovor u provođenju vremena tokom Ramazana u dobrim djelima. Pa onaj ko bude iskren sa Allahom on ga prihvati kao iskrenog i pomogne mu u dobročinstvu i pokornosti odnosno olakša mu uopćeno put ka činjenju dobra. Rekao je Allah Uzvišeni:

قَالَ تَعَالَى: ﴿فَلَوْ صَدَقُوا اللَّهَ لَكَانَ خَيْرًا لَّهُمْ﴾ محمد: ٢١

„Da su oni prema Allahu iskreni bolje bi im bilo.“

- Znanje i razumijevanje vjere (Fikh) te da se podučiti propisima posta i Ramazana. Obaveza je na svim muslimanima da obožavaju Allaha sa znanjem i nema opravdanja niko u Farzovima kojima je Allah zadužio svoje robove a od njih je i post mjeseca Ramazana. Shodno rečenome obaveza je na muslimani da nauči propise posta prije nego dođe kako bi bio njegov post ispravan i primljen kod Allaha dželleš'nuhu:

قَالَ تَعَالَى: ﴿فَسْأَلُوا أَهْلَ الذِّكْرِ إِنْ كُنْتُمْ لَا تَعْلَمُونَ﴾ الأنبياء: ٧

„Pitajte sljedbenike Knjige (učene) ako ne znate vi!“

- Dočekivanje mjeseca mubarek sa čvrstom odlukom da ostavimo grijeha i loša djela sa iskrenom Tewbom od svi grijeha. Iz ovoga također se razumije kada čovjek se pokaje iskreno da se više i ne vraća na ta djela za koja se kaje Uzvišenom. Mjesec ramazan je mjesec POKAJANJA (Tewbe) pa ukoliko se čovjek u njemu ne pokaje pa kada će?

Rekao je Allah Uzvišeni:

قَالَ تَعَالَى: ﴿ وَتُوبُوا إِلَى اللَّهِ جَمِيعًا أَيُّهَ الْمُؤْمِنُونَ لَعَلَّكُمْ تُفْلِحُونَ

النور: ٣١ ﴿ ٣١ ﴾

„I svi se Allahu pokajte, o vjernici, da biste postigli ono što želite.“

- Podsticanje sebe i drugi na stalno iščitavanje Allahove knjige i drugi islamski knjiga koje će pomoći čovjeku da stekne i sazna pravu veličinu gosta koji je došao, te da zna kako i na koji način da to iskoristi. Sam Poslanik, sallallahu alejhi ve sellem, bi govorio svojim ashabima zadnjeg dana mjeseca Šabana: „Došao vam je mjesec Ramazan, mjesec mubarek. Allah vam je u njemu propisao Post, u njemu se ostvaraju vrata Dženneta, a zatvaraju se vrata Džehenema i šejtani se okuju. U njemu ima noć koja je vrednija od hiljadu mjeseci, ko bude uskraćen njegova dobra – ta on je uskraćen za veliko dobro.“
- Spremanje i zalaganje na dawi ka Allahu i ovoj vjeri na sljedećim osnovama:
 - Spremanje nekoliko kratki rečenica kojima bi se obratio svojoj porodici ili džematlijama koji su u tvojoj blizini podstičući ih na ibadet i vraćanje Allahu, dželleša'nuhu.
 - Spremanje i dijeljenja dawetski letaka koji će da i kod ostali probudi svijest o gostu i prilici koja se pruža svima sve dok je ovaj gost među nama
 - Spremanje i rad na Ramazanskim poklonima koji bi se uručili onima koji još nisu čvrsto stali u ovoj vjeri (neki prikladan poklon sa islamski materijalom i kasetama, cd-ovima islamskog sadržaja)

- Posjećivanje i pridavanje pažnje siromašnima i onima koji su bolesni i imaju pravo kod nas, kao i podjela Sadektau-l-Fitr i Zekata.
- Dočekivanje mjeseca Ramazana sa potpunom odlukom da se otvori u našim životima nova bijela (blještava) stranica sa:
- Iskrenom tewbom Allahu
- Poslanikom, sallallahu alejhi ve sellem, i čvrstom odlukom da se prihvati sve što je naredio da se radi ili da se kloni toga.
- Roditeljima, bližnjima, familijom i drugima u dobročinstvu i bogobožnosti.
- Sredinom u kojoj živiš kako bi bio dobar Allahov rob, rekao je Allahov Poslanik, sallallahu alejhi ve sellem: „*Najbolji ljudi su oni koji su drugima najkorisni.*“

KAKO DA SE PRIPREMIM, OJAČAM ZA DOČEK RAMAZANA?

Da bi bio od onih koji su spremni da dočekaju gosta kako priliči i na najbolji način slijedi sljedeća uputstva:

1. ISKRENOST ALLAHU TOKOM POSTA: Iskrenost spram Allaha je duša svih pokornosti, i ključ za dobra srca. Na osnovu nijeta i iskrenosti u ophođenju prema Allahu biva i odgovor Allaha tome robu u pomoći činjenja ibadeta i Njegove subhanehu vete'ala podrške. Rekao je Ibn Kajjim, rahimehullahu:

„Na osnovu veličine nijeta Allahova roba, njegova zalaganja, i spremnosti za činjenje dobri dijela biva i sam odgovor i pomoć od Allaha Uzvišenog koji je adekvatan svemu spomenutom.“

Allah Svemogući je naredio robovima svojim da mu čine ibadete iskreno i samo u Njegovo ime:

قَالَ تَعَالَى: ﴿ وَمَا أُمِرُوا إِلَّا لِيَعْبُدُوا اللَّهَ مُخْلِصِينَ لَهُ الدِّينَ حُنَفَاءَ ﴾ البينة: ٥

“A naređeno im je da se samo Allahu klanjaju, da Mu iskreno, kao pravovjerni, vjeru ispovijedaju.”

Pa kada spozna postač da je iskrenost tokom posta razlog pomoći i podrške od Allaha on će to da čuva i da bdije nad time a što će kao posljedicu toga da ima samu spremnost na doček i provođenje ramazana u Ibadetu.

2. Spoznaja da je Allahov Poslanik, sallallahu alejhi ve sellem, svojim ashabima čestitao dolazak mubarek gosta: i svi drugi vidovi podrške sebi a i drugima oko sebe. Kada musliman ovo spozna i ima u vidu da je Allahov Poslanik, alejhi selam, imao običaj da kaže ashabima: *„Došao vam je mjesec Ramazan, mjesec mubarek. Allah vam je u njemu propisao Post, u njemu se ostvaraju vrata Dženneta, a zatvaraju se vrata Džehenema i šejtani se okuju. U njemu ima noć koja je vrednija od hiljadu mjeseci, ko bude uskraćen njegova dobra – ta on je uskraćen za veliko dobro.“* Što upućuje na važnost i veličinu Ramazana, u suprotnom ne bi Allahov Poslanik čestitao ashabima isti osim da želim da kaže kako dolazi im velik i časni gost.
3. Istraživanje i spoznaja nagrada koje je Allah pripremio za postače, a od njih su:
 - Nagrada za postača je ogromna i niko ju ne može dokučiti potpuno, rekao je Allah Uzvišeni: *„Svako dobro djelo sina Ademova se nagrađuje deseterostruko pa do sedam stotina puta, rekao*

je Allah Uzvišeni osim Posta, on je moj i ja nagrađujem za njega.“

- Ko bude postio jedan dan na Allahovom putu, Allah udalji od njega vatru koliko je sedamdeset godina, pa kako tek ko isposti čitav Ramazan?!
 - Post će da se zauzima za postača na Sudnjem danu
 - U Džennetu postoje vrata koja se zovu Rejjan i na njih neće niko ući osim postača.
 - Post mjeseca Ramazana briše grijehe (male grijehe).
 - U Ramazanu se otvaraju vrata Dženneta a zatvaraju vrata Džehenema
 - Allah se odaziva na dove postača (dova se prima).
4. Spoznaja da je Allahov Poslanik, sallallahu alejhi ve sellem, mjesec Ramazan odlikovao nad drugim kada je u pitanju Ibadet: Ono što će ti povećati hamas i želju da budeš čvršći i jači tokom dana Ramazana jeste i spoznaja da je Allahov Poslanik, sallallahu alejhi ve sellem, tokom mjeseca Ramazana povećavao svoje ibadete i činio zikr, dovio mnogo i dijelio sadaku. Općenito odlikovao bi ovaj mjesec nad drugim mjesecima pa da li ti brate moj imaš i uzimaš pouku i najljepši primjer u našem Poslaniku, sallallahu alejhi ve sellem, rekao je Allah Uzvišeni:

قَالَ تَعَالَى: ﴿لَقَدْ كَانَ لَكُمْ فِي رَسُولِ اللَّهِ أُسْوَةٌ حَسَنَةٌ لِّمَن كَانَ يَرْجُوا اللَّهَ
وَالْيَوْمَ الْآخِرَ وَذَكَرَ اللَّهَ كَثِيرًا﴾ (الأحزاب: ٢١)

„Vi u Allahovom Poslaniku imate divan uzor za onoga koji se nada Allahovoj milosti i nagradi na onom svijetu, i koji često Allaha spominje.“

5. Spoznaja vrijednosti i bereketa koji se pružaju u ovom mjesecu mubarek:

- Bereket rasta imana: Vidimo ljude kako tokom ovoga mjeseca su „živi“ i jači imanski, lahko pamte, razmišljaju o Allahovim ajetima koji nas okružuju – nema sumnje da je ovo dar od Allaha u ovom mjesecu Allahove dobrote i milosti.
- Bereket u snazi tijela: Svaki postač, svi mi ostavimo piće, hranu i druge stvari no, svakome od nas se poboljša zdravlje i poveća snaga. Otkuda to? Od Allaha koji dadne i poveća bereket u nama!
- Bereket u vremenu: Promatraj samo šta čovjek i koliko uradi za jedan dan tokom mjeseca Ramazana, Allah zna to bi uzelo mimo mjeseca Ramazana i po sedmicu cijelu. No, kao što rekosmo Allahovim bereketom i uputom sve tokom ovoga mjeseca biva lakše i jednostavnije.

6. Također od stvari koje pomažu hamasu i podstiču da musliman bude spremni tokom ovoga mjeseca jeste i raznovrsni ibadeti kojima se mjesec Ramazan odlikuje:

Dragi moj brate Allah je mjesec Ramazan odlikovao nad drugim mjesecima sa mnoštvom stvari od njih su:

- Zadah postača kod Allaha je draži (prijatni) od mirisa miska.
- Meleki mole za oprost postačima sve dok se ne iftare.
- Allah svakoga dana uljepša Džennet za njegove robove.
- Otvaraju se vrata Dženneta a zatvaraju vrata Džehenema.
- U njemu je noć Kadr koja je bolja od hiljadu drugi mjeseci u kome nema te noći i onaj ko bude uskraćen dobra te noći ta uskraćen je svakoga dobra.
- Postačima biva oprosteno zadnju noć u Ramazanu.
- Allah oslobađa od vatre tokom Ramazana.

7. Spoznaja da je Allah post odabrao za sebe između svi drugi dobrih djela: I ovo je velika stvar i radost za sve postače: „*Svako dobro djelo sina Ademova se nagrađuje deseterostruko pa do sedam stotina puta, rekao je Allah Uzvišeni osim Posta, on je moj i ja nagrađujem za njega.*“
8. Spoznaja da su naši ispravni prethodnici ovaj mjesec koristili za sebe i svoje ibadete Allahu Uzvišenom: Ashabi su bili spoznali vrijednost mjeseca Ramazana pa su ga koristili maksimalno u ibadetima, noćnom namazu kao i učenju Kur'ana kako bi stekli Allahov oprost i milost. Također oni su bili u tim danima posebno bliski siromasima i slabima te su jako puno udjeljivali i davali na Allahovom putu sebe i svoje imetke.
9. Saznanje da će post doći na Sudnjem danu kao zagovarač za njegove postače, divna li druga i zagovarača. Rekao je Allahov Poslanik, sallallahu alejhi ve sellem:

عَنْ عَبْدِ اللَّهِ بْنِ عَمْرٍو أَنَّ رَسُولَ اللَّهِ صَلَّى اللَّهُ عَلَيْهِ وَسَلَّمَ قَالَ: الصِّيَامُ وَالْقُرْآنُ يَشْفَعَانِ لِلْعَبْدِ يَوْمَ الْقِيَامَةِ يَقُولُ الصِّيَامُ أَيْ رَبِّ مَنَعْتُهُ الطَّعَامَ وَالشَّهَوَاتِ بِالنَّهَارِ فَشَفَّعَنِي فِيهِ وَيَقُولُ الْقُرْآنُ مَنَعْتُهُ النَّوْمَ بِاللَّيْلِ فَشَفَّعَنِي فِيهِ قَالَ فَيُشَفَّعَانِ.

„Post i Kur'an će biti zagovornici robu, na Sudnjem danu. Reći će post: «Gospodaru, zabranio sam mu jelo i uživanje po danu, pa prihvati moje zalaganje!» I reći će Kur'an: «Gospodaru, sprječavao sam ga u spavanju noću, pa prihvati moje zalaganje!» Pa će ono biti prihvaćeno!”⁷

10. Spoznaja da je mjesec Ramazan mjesec Kur'ana i strpljivosti: Post i namaz su razlog opraštanja grijeha, dok je na drugu stranu post lijek za

⁷ Bilježi imam Ahmed 11/199

sve vrste bolesti od duševni, tjelesni, vanjski u zajednici i općenito on je ZDRAVLJE.

Ovo rečeno je samo jedan mali dio koji se može da spomene od vrijednosti i dobrota MJESECA RAMAZANA.

Neka je svaka hvala Allahu, subhanehu ve te'ala, s čijom blagodati završavaju se sva dobra djela! Neka je salavat i selam na Njegovog roba i poslanika Muhammeda, sallallahu alejhi ve sellem, na njegovu porodicu, supruge, potomke, sve ashabe i sve koji ih slijede u dobru do Sudnjega dana. Molim Te, Uzvišeni Allahu, da ovaj trud učiniš iskrenim radi Tvoga Plemenitog lica i da njime okoristiš Svoje robove. Slavljem neka si Ti, Gospodaru moj, i hvaljen. Nema istinskog boga osim Tebe.

Od Tebe oprosta tražim i Tebi se kajem.